

Estynnwn groeso cynnes i'r  
plant canlynol sydd wedi ymuno  
â ni ers Ionawr, Sarah  
Atterbury, Tomos Fanning,  
Gruffudd Lewis a Rhys Morgan.

Treuliodd plant blwyddyn 1 a 2  
fore difyr iawn yn Theatr y  
Castell Aberystwyth yn  
ddiweddar yn gweld perfformiad  
cwmni'r Arad Goch o 'Tua'r nef  
yn fy mhoced'. Roedd hwn yn  
wahanol iawn i'r arferol ac yn  
brofiad newydd i'r plant.  
Ychydig ddyddiau'n  
ddiweddarach daeth aelodau'r  
cwmni i'r ysgol i gynnal  
gweithdai gyda'r plant a bu'r  
rhain hefyd yn hynod o  
ddiddorol gan roi cyfle i'r  
plant ddefnyddio'u dychymyg  
i'r eithaf.

O ganlyniad i dywydd rhewllyd  
yr wythnosau diwethaf mae'r  
timau hoci a phêl-droed wedi  
bod yn fwy segur nag arfer. Er  
hynny fe gafwyd ambell gêm ac  
edrychwn ymlaen yn eiddgar at  
y gweddill sydd i'w chwarae  
yng nghwrs y tymor.

Cynhaliwyd pwyllgor o  
Gymdeithas Rhieni ac Athrawon  
yr ysgol ddiwedd Ionawr a  
phenderfynwyd cynnal Ras  
Hwyaid i godi arian yn ystod y  
tymor.